

四庫全書

史部

欽定四庫全書

史部

欽定皇輿西域圖志卷十五

詳校官通政使臣夢吉

檢討臣德生覆勘

總校官候補中允

臣王燕緒

校對官中書臣吳樹萱

謄錄監生臣褚兆麟

欽定四庫全書

欽定皇輿西域圖志卷十五目錄

疆域八

天山南路二

哈喇沙爾屬

哈喇沙爾

烏沙克塔勒

察罕通格

楚輝

塔噶爾齊

特伯勒古

碩爾楚克

博爾海

哈勒噶阿瑞

庫隴勒

車爾楚

策特爾

英噶薩爾

玉古爾

鄂頗爾

庫車屬兼轄沙雅爾

庫車

阿巴特

托和鼐

常格

哈喇阿薩爾

裕赤哈喇

阿勒玉蘇布

羸和

達烏圖

庫克體騫

哈魯納斯

特勒伯

額什克巴什

特集克

奇里什

沙雅爾

托伊博羅多

塔里木

塔木根庫勒

喀伊木阿塔

坡斯

查盤

哈爾噶齊

庫克布葉

葉勒阿里克

葉伊勒干

布古斯孔郭爾郭

欽定皇輿西域圖志卷十五目錄

欽定四庫全書

欽定皇輿西域圖志卷十五

疆域八

天山南路二

哈喇沙爾屬 東至烏沙克塔勒出蘇巴什塔克口

東南至察罕通格出納林奇喇塔克口接闢展界

西至第納爾郭勒接庫車界北至天山踰山接安

西北路迪化州昌吉綏來縣界南踰沙山至羅布

淖爾

哈喇沙爾

哈喇沙爾在闢展西一千六百里踰哈喇烏蘇至其地距京師九千一百里有舊城二一在海都郭勒四十里一在海都郭勒西南二十里久廢今移建新城於哈喇沙爾周一里五分土田肥沃魚鹽蒲葦之饒甲於他處為古馬耆國地

漢書西域傳焉者國王治員渠城西南至都護治

所四百里南至尉犁百里北與烏孫接近海水多
魚焉耆國近匈奴叛殺都護但欽莽不能討天鳳
二年遣五威將王駿等將莎車龜茲兵七千餘人
分為數部入焉耆焉耆伏兵要遮駿及姑墨尉犁
危須國為反間還共襲擊駿等皆殺之惟戊己校
尉郭欽別將兵後至焉耆焉耆兵未還欽擊殺其
老弱引兵還

〔後漢書班超傳〕永平十八年焉耆攻沒都護陳睦

永元六年超發龜茲鄯善等八國兵討焉耆焉耆王廣大恐乃欲悉驅其人共入山超大會諸國王揚聲當重加賞賜於是廣詣超國相腹久等亡入海超收廣等於陳睦故城斬之傳首京師更立焉耆王於是西域五十餘國悉皆內屬西域傳焉耆國王居南河城北去長史所居八百里其國四面有大山與龜茲相連道險阨易守有海水曲入四山之內周匝三十餘里

晉書西戎傳焉者國方四百里武帝太康中其王
龍安遣子入侍世子會少而勇傑安謂曰我嘗謂
龜茲王白山所奪汝能雪之乃吾子也及會立襲
滅白山遂據其國遣子熙歸本國為王會有膽氣
籌畧葱嶺以東莫不率服為龜茲國人羅雲所殺
沙州刺史楊宣疆理西域熙率羣下四萬人肉袒
於宣呂光討西域復降於光及光僭位熙又遣子

入侍

魏書西域傳 馬耆國在車師南都員渠城白山南七十里其王姓龍名鳩尸卑那即前涼長軌所討龍熾之後東去高昌九百里西去龜茲九百里皆沙磧東南去瓜州二千二百里恃地險頗剽劫中國使世祖詔萬度歸討之屠其城其王奔龜茲

隋書西域傳 馬耆國都白山南七十里漢時舊國也其王姓龍字突騎大業中遣使貢方物

唐書西域傳 馬耆國直京師西七千里而羸橫六

百里縱四百里東高昌西龜茲南尉犁北烏孫太
宗貞觀六年其王龍突騎支始遣使來朝侯君集
討高昌突騎支引兵佐唐西突厥約為輔車勢不
朝貢安西都護郭孝恪討之執突騎支以栗婆誰
攝國事焉者立栗婆準而從兄薛婆阿那支自為
王號瞎干執栗婆準獻龜茲殺之阿史那社合討
龜茲何那支奔之為社合所禽斬以徇立突騎支
弟婆伽利為王以其地為焉耆都督府婆伽利死

國人請還前王突騎支高宗許之開元七年以焉
耆備四鎮訖天寶常朝貢地理志焉耆都督府貞
觀十八年滅焉耆置突厥傳有特庵勒居焉耆城
稱葉護餘部保金莎領衆至二十萬

唐西域記出高昌故地自近者始曰阿耆尼國舊

曰烏烏為馬字之訛者東西六百餘里南北四百餘里國

大都城周六七里四面據山道險易守衆流交帶
引水為田

元史地理志至元十五年授巴克察徹爾

舊作八
撒察里

改改虎符掌巴什伯里

舊作別失里今改正

畏兀城子里

軍站事十七年以萬戶綦公直戍巴什伯里十八

年自大和嶺至巴什伯里置新站三十二十年立

巴什伯里和州等處宣慰司二十三年遣侍衛新

附兵千人屯田巴什伯里置元帥府即其地以總之

明史西域傳巴什伯里西域大國也南接于闐北

連衛拉特

舊作瓦刺今改正

西抵賽瑪爾堪

舊作撒馬兒罕今改正

東抵哈喇和卓舊作火州
今改正 東南距嘉峪關三千七

百里或曰焉耆或曰龜茲元世祖時設宣慰司尋

改為元帥府其後以諸王鎮之洪武中其王喀第

爾和卓

舊作黑的
火者今改正

即遣千戶克瑪里丁

舊作哈
馬力丁
今改正

等來朝貢二十四年命主事肯徹舊作寬徹
今改正

等使西域以書諭哈第爾和卓成祖即位之冬遣

官齋璽書綵幣使其國十六年貢使蘇卜克舊作
速哥

今改言其王為從弟烏蘇舊作歪思
今改正 所弑而自立徙

其部而去更國號曰伊勒巴拉舊作亦力把里今改正帝以
番俗不足治授蘇卜克為都督僉事自後使臣多
授官成化元年定西域朝貢期令伊勒巴拉三歲五
歲一貢使者不得過十人自是朝貢遂稀

按哈喇沙爾城北倚大雪山額格爾齊塔克屏
其東南庫隴勒塔克繞其西南遙山環拱所包
地面縱橫四五百里當為焉者國全境後漢書
謂四面有大山唐書謂橫六百里縱四百里西

域記謂東西六百餘里南北四百餘里四面據山者是也山內海都郭勒南趨會博斯騰淖爾之水西南出庫隴勒塔克口東赴羅布淖爾羅布淖爾為古蒲昌海所謂海水曲入山南者也云曲入者約畧之詞其實四山內之水流出注海耳哈喇沙爾東去闢展一千六十里西去庫車一千里闢展古高昌庫車古龜茲與魏書焉者東去高昌九百里西去龜茲九百里之說大

畧相合則其為古焉者無疑也惟是城郭變遷
今城南去博斯騰淖爾止四里以魏書南去海十
餘里之文証之度古員渠城故址猶在今城北
十餘里所謂水市其城三十餘里者形勢宛存
至其國本在車師前國西南而魏書云在車師
南唐書王名突騎支而隨書止稱突騎此紀載
之疏也

又按焉耆自宋以後史傳不著其入朝中國然

考宋史載咸平四年回鶻可汗王祿勝遣曹萬
通來貢稱其國東至黃河西至雪山有小郡數
百別有夜落紇通朝貢龜茲亦回鶻別種東至
夏州九十日或稱西州回鶻或稱西州龜茲又稱
龜茲回鶻自天聖至熙寧五年入貢者七則自
西州以至龜茲為今闢展西至庫車之地皆屬
回鶻故其名通用而朝貢不絕特焉耆之號無
存耳降自元明國號巴什伯里元置軍站宣慰

司元帥府於此而明史稱其南接于闐北連衛
拉特西抵賽瑪爾堪東抵哈喇和卓或曰焉者
或曰龜茲是當時巴什伯里疆域甚廣自今烏
沙克塔勒諸城踰哈喇沙爾庫車而西皆其境也

烏沙克塔勒

烏沙克塔勒在哈喇沙爾城東二百十五里自開
展西行入蘇巴什塔克口又西南行踰庫木什阿
克瑪塔克額格爾齊塔克三百四十里至其地為

哈喇沙爾東境

〔唐書地理志〕經盤石百里有張三城守捉

按烏沙克塔勒東之額格爾齊塔克為唐地理

志所載之盤石說見山

說見山

由是西行得烏沙克塔勒

之廢城應即所謂張三城者也唐置守捉於此

因地利所必爭歟

察罕通格

察罕通格在烏沙克塔勒西南距哈喇沙爾城

一百九十五里地有廢城城西有泉委折而南經
烏沙克塔勒城東分導灌田自闢展西入納林奇
喇塔克博羅圖塔克谷口循博羅圖郭勒踰塔什
海至其地為哈喇沙爾東北境

楚輝

楚輝在烏沙克塔勒西五十里察罕通格西南七
十里有城垣西距哈喇沙爾城一百二十五里自
烏沙克塔勒察罕通格南北兩道至此會而為一

魏書焉耆傳成周公萬度歸入焉耆東界擊其邏
守左回尉犁二城拔之進軍向員渠

唐書地理志張三城西南一百四十五里經新城
館

按左回與楚輝字音相近而居哈喇沙爾城東
應屬當時東界邊守之城是今之楚輝即魏左
回城更以今之烏沙克塔勒卽唐張三城推之
則楚輝應屬新城然唐志兩城相去一百四十

五里今兩城相距僅五十里則亦非當時舊址
也

塔噶爾齊

塔噶爾齊在楚輝西三十里踰小河一道至其地
西距哈喇沙爾城九十五里

特伯勒古

特伯勒古在塔噶爾齊西十五里踰奇爾歸圖郭
勒至其地有小城西踰哈喇沙爾城八十里自烏

沙克塔勒察罕通格楚輝至此得四城皆居哈喇
沙爾城東漢時危須國當在此間

漢書西域傳危須國王治危須城西至都護治所
五百里至焉耆百里

魏畧危須國并屬焉耆

按漢書山國西至尉犁二百四十里至危須二

百六十里而尉犁在焉耆南危須在焉耆東境
界毗連厥後盡為焉耆所并晉魏隋唐諸史所

云四面有大山者舉其既并之後言之則今自東之額裕爾齊塔克西之庫隴勒塔克南之沙山北之石山四山之中盡焉耆國地其在於漢則危須尉犁焉耆三國皆在大山環抱之內縱橫四五百里間今以唐書地理志自西州至焉耆鎮城道里考之則所謂焉耆鎮城者當屬今之哈喇沙爾由是而推東為危湏西南為尉犁方位較然是漢時所謂危湏城者必在特伯勒

古以東察罕通格以西四城間矣

碩爾楚克

碩爾楚克東北距哈喇沙爾城四十里有水草可駐牧其東北二十里有舊城

博爾海

博爾海在碩爾楚克西南二十里東北距哈喇沙爾城六十里

哈勒噶阿瑞

哈勒噶阿瑞在碩爾楚克南五十里東北距哈喇
沙爾城九十里在古當為尉犁國地海都郭勒繞
其南西趨庫隴勒

漢書西域傳尉犁國王治尉犁城西至都護治所
三百里南與鄯善且末接又焉耆國南至尉犁百
里

魏畧尉犁國并屬焉耆

按漢書焉耆西南至都護治所四百里尉犁西

至都護治所三百里是尉犁為焉耆西南百里國可知也云焉耆南至尉犁百里者或傳寫之訛耳夫焉耆正南海水瀰漫海北既無容國之地若在海南何止百里哉況後漢班超討焉耆自西而來先至尉犁界焉耆王廣絕葦橋以拒漢軍超更從他道厲渡觀此則尉犁至焉耆中有水道隔絕明甚今哈喇沙爾之為焉耆既無可疑而哈勒噶阿瑪在其西南九十里中隔海都

郭勒當年形勢猶有存者則此當屬尉犁故城也北魏萬度歸擊其邊守左回尉犁二城左回即楚輝尉犁即漢尉犁國城其為今之哈勒噶噶阿瑞城可知魏畧尉犁應犁字之訛稱其并屬焉者而文獻通考亦云焉者後并有尉犁蓋尉犁既并之後焉者西境即以今庫龍勒為界云

庫龍勒

庫龍勒在哈勒噶阿瑞西南七十里東北距哈喇

沙爾一百八十里山勢險峻古焉者以西諸國關隘也山南海都郭勒繞而西流山麓瀕河處右山左河徑極險窄河南岸為庫隴勒城其東境傍山六十里為庫徹瑪南濱羅布淖爾

唐書西域傳自焉耆西南步二百里度小山徑大河二又步七百里至龜茲

按庫隴勒在漢當屬尉犁國西境與額格爾齊塔克東西環抱為焉耆國之西南屏所謂四面

有山者也若今之哈喇沙爾西境直踰玉古爾至第納爾郭勒蓋已兼有漢時輪臺渠犁之地未可以焉者一境當之矣

車爾楚

車爾楚在庫隴勒西一百七十里東北距哈喇沙爾城三百五十里踰海都郭勒而至西抵額什墨郭勒

晉書西域傳沙州刺史楊宣疆理西域宣以部將

張植為前鋒所向風靡軍次焉者熙拒戰於賁輪
城進屯鐵門未至十餘里熙又率衆先要之於遮
留谷植將至或曰谷名遮留殆將有伏單騎嘗之
果有伏發植馳擊敗之進據尉犁

唐書地理志自焉者西五十里過鐵門關又二十
里至于術守捉城

按晉書鐵門應即唐書之鐵門關今庫隴勒為
古焉者西境則焉者西五十里之鐵門關宜在

今車爾楚之東也晉書遮留谷未至鐵門十餘
里唐書于術守捉城東去鐵門闊二十里宜與
今車爾楚相近晉楊宣部將張植由鐵門遮留
谷而進據尉犁尉犁在漢為焉耆西南百里國
在晉為焉耆西界之城是時疆理西域還攻焉
耆從國之西境入是以先據尉犁而鐵門遮留
谷之在今哈喇沙爾西境益無疑也

策特爾

策特爾在車爾楚西一百四十里東北距哈喇沙

爾城四百九十里踰額什墨郭勒至其地饒水草

漢書西域傳宣帝時遣衛司馬使護鄯善以西數

國時漢獨護南道未能盡并北道也神爵三年使

鄯善并護北道故號曰都護督察烏孫康居諸外

國治烏壘城去陽關二千七百三十八里與渠犁

田官相近土地肥饒於西域為中故都護治焉又

云烏壘城與都護同治

後漢書西域傳莎車王賢攻殺龜茲王遂兼其國乃分龜茲為烏壘國徙駟鞬為烏壘王

唐書地理志河西內屬諸胡州十二一名烏壘州

按烏壘為前漢都護治所漢書謂在焉耆西南四百里尉犁西三百里今自哈勒噶阿瑞至庫隴勒為尉犁國地則自庫隴勒西至策特爾三百里為烏壘之地無疑所謂烏壘城者當於是乎在後漢龜茲為莎車所滅分其地為烏壘國

即此城也唐為河西之烏壘州謂之河西者地
屬海都郭勒西境烏壘為河西最東之州也自
策特爾南行瀕額爾勾勒為漢渠犁國地

漢書西域傳渠犁城東北與尉犁東南與且末南
與精絕接西有河至龜茲五百八十里廣饒水草
處溫和田美可益通溝渠種五穀與中國同時熟
又烏壘南三百三十里至渠犁

唐書地理志渠犁都督府

按渠犁為漢時小國在烏壘南三百三十里度其地瀕今額爾勾郭勒河水東入羅布淖爾當在渠犁南而史云西有河者水流屈曲或西境薄河舉其近者言之耳地處天山之陽得水泉之利故以為處溫和田美可益通溝渠種五穀也晉魏以降其名不著當為龜茲所并唐時渠犁都督府則因其舊而名之耳

英噶薩爾

英噶薩爾在策特爾西七十里東北距哈喇沙爾城五百六十里舊有城恩楚魯克郭勒經流其地

(唐書地理志)于術守捉城又二百里至榆林守捉

按唐于術守捉城與今車爾楚相近則西二百里

之榆林守捉宜在英噶薩爾間也又唐書自榆

林守捉西五十里至龍泉守捉當在今英噶薩

爾之西

詳見水

玉古爾

玉古爾在英噶薩爾西一百二十里踰伊蘭布拉
克至其地東北距哈喇沙爾城六百八十里有城
垣當孔道蓋即古輪臺地也由是西行接庫車界
〔史記大宛傳〕貳師軍至侖頭侖頭不下攻數月屠
之又曰侖頭有田卒數百人

〔漢書西域傳〕昭帝時以扞彌太子賴丹為校尉將
軍田輪臺輪臺與渠犁地相連也龜茲貴人姑翼
謂其王曰賴丹本臣屬吾國今佩漢印綬來迫吾

國而田必為害王即殺賴丹而上書謝漢漢未能
征

〔魏書西域傳〕龜茲國東有倫臺即漢貳師將軍
李廣利所屠者

〔唐書地理志〕北庭大都護府領輪臺縣有靜塞軍
大厯六年置又有輪臺州都督府又自龍泉守捉
六十里至東夷僻守捉

按輪頭即輪臺漢時小國李廣利屠之後其國

並於龜茲而舊城尚存故漢屯田之使於斯托
處漢書稱其與渠犁地相連魏書謂在龜茲國
東蓋渠犁西去即為輪臺亦瀕河之地漢詔輪
臺西於車師千餘里特粗舉其槩耳其實輪臺
在車師西南也唐書有輪臺縣復有輪臺州者
縣與金滿後庭西海並列所轄之境殊廣州屬
北庭二十三都督府之一視縣為小而均隸北
庭原非兩地又唐書地理志所謂龍泉為伊蘭

布拉克詳見水則西六十里之東夷僻守捉當在

玉古爾西也又按唐書地理志注云自庭州西延城西六十里有沙鉢城守捉又有馮洛守捉又八十里有耶勒城守捉又八十里有俱六城守捉又百里至輪臺縣

鄂頗爾

鄂頗爾在英噶薩爾北三十里東距哈喇沙爾城五百九十里自英噶薩爾經此西行可通庫車

以上屬哈喇沙爾

庫車屬

兼轄沙雅爾

庫車東至第納爾郭勒接哈喇沙爾

界西至烏恰特達里雅

亦名鄂根河

接賽喇木界南至

烏恰特達里雅北至額什克巴什鄂拉通天山北

路伊犁界 沙雅爾東至托伊博羅多接哈喇沙

爾界南至塔里木濱大河西至塔木根庫勒接阿

克蘇界北至烏恰特達里雅

庫車

庫車在第納爾郭勒西二百五十里距京師一萬
八十里城周四里六分東南北三面形圓西面形
方高一丈九尺乾隆二十三年五月大兵追討逆
回霍集占至此六月霍集占來援庫車我師敗之
於烏恰特達里雅以殘兵入庫車城七日復西遁
八月逆黨阿布都克勒木拒守未下攻之閏三月
舊伯克阿集等以城降城西六十里曰沙爾達朗
西行至烏恰特達里雅西北行至赫色勒郭勒

御製軍書戊寅

軍書羽速至謂喜顧生恨言志兼紀事顛末必傳信先

是舉回纛將謂賊渠遁茲因沙雅降

雅爾哈善等先以迎勦霍集占職衆

舉旗回首免脫走報至是沙雅爾城回長阿三和卓木乞降錄其供詞始將軍霍集占敗入庫車潰圍不得出

後乘夜遁去諸將並未追捨情節歷歷叙明

伯克親詳訊始知霍集占來救

庫車因為我兵所截入城欲伺釁合力旋突出被遮復

挫勒仍率四百騎夜出身免慘咄哉堪扼腕選將吾未

慎失機有如此是豈疎防僅譬鵠自投羅解放翻成客

吏考自軍興誤事率臣蓋徒憐諸士卒奮勇冒白刃賴天雖有成決策屢多悶自責不知人違敢弛國憲

御製得庫車誌事

有序
戊寅

庫車之圍將軍雅爾哈善坐失事機方小和卓木率衆來援屢經被殲而任其潛入潛出若罔聞知前後奏報矛盾俱見前詩知其株守淹時必致逆黨免脫坐得空城以自解今報知悉如所料詩以識恨

我師久圍賊庫車讀作
其韻其援者紛如麻惟是將軍無

紀律卒至竄走彼么庶軍書之什已誌恨後聞地穴為

賊遮

雅爾哈善川綠營六地火攻計轉而為賊覺橫截一溝焚燒兵丁乃不自引咎惟委罪將佐坐責

預料將得空城耳彼賊腹心仍逃他驛章忽至共披閱

一一如言曾不差言則不差事則債用匪其人愧若何

漢書西域傳龜茲國王治延城去長安七千四百

八十里南與精絕東南與且末西南與扞彌史記作扞

采俊漢書作拘絆北與烏孫西與姑墨接東至都護治所

烏壘城三百五十里初貳師將軍李廣利擊大宛

還過扞彌扞彌遣太子賴丹為質於龜茲廣利責
龜茲曰外國皆臣屬於漢龜茲何以得受扞彌質
即將賴丹入至京師昭帝以丹為校尉將軍田輪
臺龜茲王殺賴丹宣帝時長羅侯常惠使烏孫還
攻龜茲責以前殺校尉賴丹龜茲王謝曰迺我先
王時為貴人姑翼所誤我無罪執姑翼詣惠惠斬
之時烏孫公主遣女來至京師學鼓瑟漢遣侍郎
樂奉送公主女過龜茲龜茲前遣人至烏孫求公

主女未還會女過龜茲龜茲王留不遣復使使報
公主主許之後公主上書願令女比宗室入朝而
龜茲王絳賓亦愛其夫人上書言得尚漢外孫為
昆弟願與公主女俱入朝元康元年遂來朝賀王
及夫人皆賜印綬夫人號稱公主留且一年厚賜
送之後數來朝賀絳賓其子承德自謂漢外孫成
哀帝時往來尤數漢遇之亦甚親密東通尉犁六

百五十里

後漢書西域傳建武二十二年莎車王賢既攻殺
龜茲王遂兼其國又自立其子則羅為龜茲王數
歲龜茲國人共殺則羅而遣使向匈奴更請立王
匈奴立龜茲貴人身毒為龜茲王龜茲由是屬匈
奴班超傳龜茲王建為匈奴所立倚恃虜城據有
北道攻破疏勒永元三年龜茲降以超為都護拜
白霸為龜茲王遣司馬姚光送之超與光共脅龜
茲廢其王尤利多而立白霸使光將尤利多還京

師超居龜茲它乾城六年超發龜茲兵討焉耆延
光三年班勇至樓蘭龜茲王白英自疑未下勇開
以恩信白英乃率姑墨溫宿自縛詣勇降

晉書西戎傳龜茲國西去洛陽八千二百八十里
俗有城郭其城三重中有佛塔廟千所武帝太康
中其王遣子入侍惠懷末遣使貢方物於張重華
苻堅時堅遣其將呂光率衆七萬伐之其王白純
距境不降光進軍討平之

魏書西域傳
龜茲國在尉犁西北白山之南一百

七十里都延城其王姓白即後涼呂光所立白震之後所居城方五六里東有輪臺其南三百里有大河東流號計式水即黃河也東去焉者九百里南去于闐一千四百里西去疏勒一千五百里北去突厥牙帳六百餘里東南去瓜州三百里其東闕城戍寇竊非一世祖詔萬度歸擊之龜茲遣烏羈目提等拒戰度歸擊走之大獲駝馬而還自後

每使朝貢

周書異域傳保定元年龜茲遣使來獻

隋書西域傳龜茲漢時舊國也東南去瓜州三千一百里大業中遣使貢方物

唐書西域傳龜茲一曰邱茲一曰屈茲東距京師七十里而羸自焉者西南步二百里度小山經大河二又步七百里乃至橫千里縱六百里君姓白氏居伊邏盧城北倚阿羯田山高祖受禪王蘇伐

勃厥遣使入朝會死子素伐疊立號時健莫賀俟利發後臣西突厥孝恪伐焉者乃遣兵與焉者影援自是不朝貢蘇伐疊死弟訶黎布失畢立三十一年兩遣使朝貢然帝怒其佐焉者叛乃以阿史那社公為崑丘道行軍大總管部兵十萬討之社公次磧石去王城三百里先遣伊州刺史韓威以千騎居前右驍衛將軍曹繼叔次之至多褐與王遇大破之追奔八十里王嬰城社公將圍之王

引突騎西走城遂拔社尗凡破五大城男女數萬
遣使者諭降小城七百餘西域震懼社尗立王弟
葉護王其國勒石紀功始徙安西都護於其都統
于闐碎葉疏勒號四鎮高宗復封訶黎布失卑為
龜茲王與那利羯獵顛還國久之王來朝還羯獵
顛拒不內遣使降賀魯悒悒死詔擒羯獵顛窮誅部
黨以其地為龜茲都督府更立子素稽為王授右
駕衛大將軍為都督天授三年王延田跋來朝始

儀鳳時吐番攻焉者以西四鎮皆沒長壽元年武
威道總管王孝傑破土番復四鎮地置安西都護
府於龜茲以兵三萬鎮守開元七年王白莫苾死
子多市立改名孝節十八年遣弟孝義來朝地理

志龜茲都督府貞觀二十年平龜茲置領州九闕

唐西域記屈支國東西千餘里南北六百里國大
都城周十七八里伽藍百餘所僧徒五千餘人國
東境城北天祠前有大龍池諸龍易形交合牝馬

遂生龍駒。驪恢難馭。龍駒之子方乃馴駕。所以此國多出善馬。恃力作威。不恭王命。王乃引構突厥殺此城人。峩無噍類。城今荒蕪。人煙斷絕。城北四十餘里接山阿。隔一河水西北渡河西行六百餘里經小沙磧至跋祿迦國。

宋史外國傳龜茲本回鶻別種。其國主自稱師子。王國有市井而無錢貨。東至夏州九十里。或稱西州。回鶻或稱西州。龜茲又稱龜茲。回鶻自天聖至

景祐四年入貢者五

按古龜茲國境後倚白山前臨大河東通輪臺
烏壘尉犁焉者西接姑墨今庫車北去額什克
巴什鄂拉一百二十里即魏隋諸書所云在南
山南一百七十唐書北倚阿羯田山亦曰白山
者也南有額爾勾郭勒橫亘於前東歸羅布淖
爾距孔道二百餘里即魏書所謂南三百里大
河東流號計式水即黃河者也輪臺今之玉古

爾烏壘今之策特爾尉犁今之哈勒噶阿瑞及
庫隴勒焉耆國都城今之哈喇沙爾皆屬庫車
東境即漢書所謂東至都護治所烏壘城三百
五十里東通尉犁六百五十里魏書所謂東有
輪臺東至焉耆九百里唐書所謂自焉耆西南
步二百里又步七百里乃至者也姑墨當今庫
車西境即漢書所謂西與姑墨接唐西域記所
謂從此西行六百餘里至跋祿迦國者也第考

漢魏二史俱稱龜茲居延城漢書謂焉耆西南至都護治所四百里龜茲至都護治所三百里合計凡七百五十里又為焉耆南至尉犁百里龜茲東通尉犁六百五十里合計數亦相符而魏書則云東去焉耆九百里夫同此延城東去焉耆里數兩史互異如此及唐書伊邏盧城不知即舊延城與否其與焉耆相距里數乃與魏書正同史家記里前後牴牾容有不

必核其實者抑漢之記里長魏若唐計里短也
今考漢書車師前國西南至焉者八百三十五
里魏書焉者東至高昌九百里高昌都城在今
土爾番而今之哈喇沙爾東去土爾番實止七
百餘里可知魏以後計里最短漢較長而今之
計里為最長也里短故數多里長則數少此一
定之理試以此例推之庫車東去哈喇沙爾九
百八十里如即以為龜茲所都不應今之里數

反浮於古大抵延城伊邇盧城故址當在今額
什克巴什郭勒之東阿巴特托和駕間而庫車
特其西境爾是以魏書稱其東有輪臺見輪臺
逼近延城之東而漢書東至烏壘城三百里可
無疑於計里之太近也其地去瓜州絕遠當以
隋書東南去瓜州三千一百里之說為是而魏
書去瓜州三百里應是三千字之訛也至三國
志引魏畧稱姑墨國溫宿國尉頭國皆屬龜茲

是其西境已兼有今之阿克蘇烏什明史稱巴
什伯里為西域大國南接于闐北連衛拉特西
抵賽瑪爾堪東抵哈喇和卓是其東境又兼有
今之哈喇沙爾也至元史所載之巴什伯里其
疆圉濶遠大畧相符可想見矣

阿巴特

奇里什郭勒

阿巴特為庫車最東境西距庫車城二百里西瀕

唐書地理志東夷僻守捉又七十里西夷僻守捉

按東夷僻守捉在玉古爾西則西七十里之西

夷僻守捉當在今阿巴特也

托和鼐

托和鼐在阿巴特西南一百四十里村落比連烟
戶稠密西距庫車城六十里乾隆二十三年六月
大兵討逆回波羅泥都霍集占進圍庫車散秩大
臣鄂對告將軍雅爾哈善托和鼐西南有地名托

木洛克者道賽喇木拜兩城為逆回援兵要路乃
遣侍衛達克他那率兵往偵霍集占以兵三千由
托木洛克來拔達克他那誇至托和萬遣副都統
順德納等增兵進禦前張兩翼賊依溝升阜列陣
未安我兵競進環其四面鎗矢風發喊震林木賊
大亂退伏溝陰惟以短兵自衛我軍益賈勇爭進
自午迄未殲之盡無一賊脫者砦甲山積獲馬駝
羊無算

御製托和飛行戊寅

我師攻圍賊庫車臨衝茀茀四面羅舊降伯克

回部中
宰桑謂

之伯為我用其名鄂對顯職加授職散備知彼中之形

秩大臣

克

勢悉告將臣防周遮托和鼐地通賽里木賊來援者

所必過爰遣達克他那藍翎侍衛名瞭遂見踪跡詳寡多以

計誘賊賊遂至達克他那綏行誘賊賊住亦住請為前

賊進則退遂引至近軍營處

尊勦賊窠發師順德訥副都統領隊大臣率往堂堂之陣誰逆

賊賊不自量犯兩翼兩翼飛馳張鶴鵠長箭大礮如雨

下狂回奔亂氣消磨填溝受殺敢迴顧血流漂杵時無
何勦賊二千四百餘傷我十數忠堪嘉是為征回第一

戰遂叨

天祐威荒遐軍書日馳六百里奏函夜至披衣視賜官錫
祿酬庸勲克城更待頒恩旨討逆伐罪非得已鯨鮀京
觀豈所喜

常格

常格在庫車城南七十里盧舍比密為大村莊

哈喇阿薩爾

哈喇阿薩爾在常格北三十里北距庫車城四十里

裕赤哈喇

裕赤哈喇在哈喇阿薩爾北二十里西北距庫車城二十里

阿勒玉蘇布

阿勒玉蘇布在裕赤哈喇東南十里西北距庫車

城三十里

羸和

羸和在裕赤哈喇西南四十里東北距庫車城七

十里

達烏圖

達烏圖在羸和東北三十里東北距庫車城四十

里

庫克體騫

庫克體騷在達烏圖北十五里東北距庫車城二

十五里

哈魯納斯

哈魯納斯在庫克體騷北十里東北距庫車城十

五里

特勒伯

特勒伯在常格東南三十里西北距庫車城一百

里不通路徑

額什克巴什

額什克巴什在天山南麓西北距庫車城九十里

特集克

特集克在常格西北四十里東北距庫車城一百里傍烏恰特達里雅

奇里什

奇里什在庫車城東北六十里其正北境當天山正幹阿爾坦呼蘇南麓距庫車城一百里又西北

地名沙爾達朗

以上屬庫車

沙雅爾

沙雅爾北距庫車城一百五十里踰烏恰特達里
雅而至距京師一萬二百三十里城周二里許高
一丈四尺南北二門霍集占自伊犁歸時視其舊
有伯克烏哈墨第以逆黨阿布爾什木為伯克橫
征口糧驅虜牲畜回氏愁怨未敢發乾隆二十三

年六月我師攻圖庫車賊自沙雅爾來援者為大
兵擊敗阿布爾木什聞風震懼挈妻子逃奔阿克
蘇烏哈墨第乃遣其子阿三和卓以沙雅爾城內

附

按唐西域傳龜茲橫千里縱六百里阿史那社
尔討龜茲破五大城遣使諭降小城七百當時
龜茲并有姑墨是以東西拓地千里其小城七
百之舊雖難悉考如今賽喇木拜沙雅爾諸城

在五大城數內則大畧可覩也

托伊博羅多

托伊博羅多在沙雅爾城東一百二十里踰烏恰特達里雅而至東通哈喇沙爾界

塔里木

塔里木在沙雅爾城南臨大河

塔木根庫勒

塔木根庫勒在沙雅爾城西一百四十里地多沙

磧不可耕

喀伊木阿塔

喀伊木阿塔在沙雅爾城東南四十里南臨大河

不通徑路

坡斯

坡斯在沙雅爾城東北三十里

查盤

查盤在沙雅爾城西南四十里又西南通阿克蘇

境

哈爾噶齊

哈爾噶齊一名卡魯瓦乞在沙雅爾城西北五十里烏恰特達里雅南西通阿克蘇境

庫克布萊

庫克布萊在沙雅爾西北四十里城垣卑小東傍烏恰特達里雅

以上屬沙雅爾

葉勒阿里克

葉勒阿里克在沙雅爾西南七十里南距大河八十里

葉伊勒干

葉伊勒干在葉勒阿里克西八十里

布古斯孔郭爾郭

布古斯孔郭爾郭在葉伊勒干西二百五十里

按自沙雅爾西行至此為漢姑墨南境唐屬龜

茲西南境南傍塔里木鄂斯騰即水經所謂河水東逕姑墨國南唐書地理志所謂自撥換碎葉西南渡渾河者也

以上係沙雅爾西南境外地

欽定皇輿西域圖志卷十五

欽定四庫全書

欽定皇輿西域圖志卷十六目錄

疆域九

天山南路三

賽喇木屬

兼轄
拜

賽喇木

赫色勒

布干

濟爾噶朗

他爾阿里克

托克三

布隆

哈喇都伯

堪齊塔木

明哲克得

雅哈阿里克

拉布帕爾

拜

雅哈阿里克

都爾伯勒津

沙哈爾

色勒克恰特

吹置

阿特巴什

推格博尼

奎裕巴克

蘇爾滾

托木碩克

雅爾圖喇

伊密什

喀資干

鄂爾塔克齊

阿斯騰海里瑪

塔克齊

玉斯屯海里瑪

英額亮格爾

伯里葉克齊

什喇勒台

葉伊勒干

庫什塔木

阿克蘇屬

阿克蘇

雅哈阿里克

哈喇裕勒袞

扎木

赫色勒

哈爾噶額密什

帕爾滿

雅爾巴什

齊托克喇克

亮格爾

雅爾賽喇木

伊勒噶齊

額格爾齊

喀勒喀勒

科布魯克

庫木巴什

伯什阿里克

和卓巴斯喀克

呼木什阿里克

哈喇塔勒

烏朱瑪

托來

英額阿里克

賽阿里克

哈喇木克齊

薩克薩克

托布坎

得布特爾

鄂喇齊

阿喇勒

愛呼爾

超達爾

韋特特爾

察克喇克

吐爾伯特

拜林

阿克雅爾

伯列克里克

納喇奇恰特

哲爾格哲克得

欽定皇輿西域圖志卷十六目錄

欽定四庫全書

欽定皇輿西域圖志卷十六

疆域九

天山南路三

賽喇木屬

無轄
拜

賽喇木東至赫色勒郭勒接庫車

界西至哈喇烏蘇南至木素爾郭勒踰河接沙雅爾西南境外地界北至天山踰山接天山北伊犁西路界 拜東至哈喇烏蘇南至木素爾郭勒踰

河接沙雅爾西南境界西至什喇勒台接阿克蘇
界北至天山踰山接天山北伊犁西路界

賽喇木

賽喇木舊對音為賽里木在赫色勒郭勒西四十
里東北距庫車城二百十里城周一里九分高一
丈南北二門距京師一萬二百九十里乾隆二十
三年大兵圍庫車其伯克阿瓜斯等傾心向化遂
以城降所屬村莊凡十有一

唐書地理志安西西出柘屢關渡白馬河百八十
里西入俱毗羅磧經苦井百二十里至俱毗羅城

按賽喇木於漢為龜茲國地唐時龜茲國伊邏
盧城應在今阿巴特托和萬之間而庫車乃其

西境說見前卷則地理志所謂白馬河者應即庫車

城東之額什克巴什郭勒西百八十里為俱毗

羅磧又西百二十里至俱毗羅城應屬今賽喇

木城自白馬河至此二百餘里今賽喇木在庫

車西南二百十里道里方位適當也

赫色勒

赫色勒在赫色勒郭勒西五里南距木素爾郭勒
五里西距賽喇木城二十五里

布干

布干在哈喇烏蘇支河西五里東踰支河二道至
賽喇木城十五里

濟爾噶朗

濟爾噶朗在布干西南五里南距哈喇烏蘇支河
五里東踰支河二道至賽喇木城二十五里

他爾阿里克

他爾阿里克在濟爾噶朗西南四里南傍哈喇烏蘇
支河東踰支河二道至賽喇木城三十里

托克三

托克三凡四莊在他爾阿里克西十里東距哈喇
烏蘇支河五里東踰支河三道至賽喇木城四十

里

布隆

布隆在托克三北十二里東傍哈喇烏蘇支河五
里東踰支河三道至賽喇木城五十里

哈喇都伯

哈喇都伯在布隆東北十五里南傍哈喇烏蘇支
河五里東南距賽喇木城二十里

堪齊塔木

堪齊塔木凡二莊在哈喇都伯西北二十里南距
哈喇烏蘇支河十里東南距賽喇木城四十里

明哲克得

明哲克得凡二莊在堪齊塔木東二十五里東南
距賽喇木城十五里

雅哈阿里克

雅哈阿里克凡五莊在明哲克得東五里東南距
賽喇木城十里

拉布帕爾

拉布帕爾凡二莊在雅哈阿里克東北五里南距

賽喇木城十五里

以上屬賽喇木

拜

拜在賽喇木西九十里距京師一萬三百八十九里
地饒水草城踞山岡周一里三分高一丈東西二
門城西有小哈布薩朗郭勒又西為哈布薩朗郭

勒東有特里舒克郭勒所屬村莊凡二十有二

唐書地理志俱毗羅城又六十里至阿悉言城

按今賽喇木城與古俱毗羅城道里方位相合

則此拜城在賽喇木西應屬唐時阿悉言城也

又按明史西域傳所載奉貢通名小部止稱地
面有名擺音者疑即此也

雅哈阿里克

雅哈阿里克舊訛為噶哈里在小哈布薩朗郭勒

下流北岸西北距拜城十五里

都爾伯勒津

都爾伯勒津凡二莊在雅哈阿里克東五里木素
爾郭勒北岸西北距拜城二十里

沙哈爾

沙哈爾凡三莊東距拜城二里以上三處在小哈
布薩朗郭勒特里舒克郭勒兩河之間

色勒克恰特

色勒克恰特在特里舒克郭勒東八里西距拜城

十五里

吹置

吹置在色勒克恰特東南五里西距拜城二十里

阿特巴什

阿特巴什在吹置東五里西距拜城二十五里

推格博尼

推格博尼在阿特巴什四十里西距拜城三十五

里東傍哈喇烏蘓郭勒南傍木素爾郭勒

奎裕巴克

奎裕巴克在阿特巴什南五里西距拜城三十里

南臨木素爾郭勒

蘓爾滾

蘇爾滾在色勒克恰特北五里西南距拜城二十里

托木碩克

托木碩克凡二莊在蘇爾滾東北五里西南距拜

城二十五里

雅爾圖喇

雅爾圖喇在托木碩克東五里西南距拜城三十里

伊密什

伊密什在雅爾圖喇東北十里西南距拜城四十里

喀資干

喀資干凡二莊在蘇爾滾北十里西南距拜城三十里

鄂爾塔克齊

鄂爾塔克齊在喀資干西五里西南距拜城三十里

阿斯騰海里瑪

阿斯騰海里瑪在鄂爾塔克齊西五里西南距拜城三十五里

塔克齊

塔克齊其地依山在阿斯騰海里瑪四十里南距拜城二十五里

玉斯屯海里瑪

玉斯屯海里瑪在塔克齊西五里南距拜城二十

里

英額亮格爾

英額亮格爾在雅爾圖喇北五里東北距拜城三

十五里

伯里葉克齊

伯里葉克齊在喀資干北十里西南距拜城四十

里

什喇勒台

什喇勒台在拜城西三十里踰哈布薩朗郭勒二十里至其地

葉伊勒干

葉伊勒干在什喇勒台西五十里東距拜城八十里

庫什塔木

庫什塔木在葉伊勒干四十里有小城

以上屬拜

阿克蘇屬 東至庫什塔木接拜界西至哲爾格哲
克得通烏什界北至卓哈達巴通天山北伊犁西
路界南至喀什噶爾達雅里

阿克蘇

阿克蘇在拜城西四百里距京師一萬七百九十
里城東地勢甚高前行界深溝自下而上繞出城
南垣墉陡峻北踞崇岡四城連峙每城周里許皆

南向外以一大城垣環之所踞高厓二十餘丈三
城皆小而固洵形勝地也城內偏東界以長河源
發北崖南流出於城外中西兩厓之間有河二道
南流人資其利先是逆回霍集占歸舊部以其黨
為阿克蘇城伯克各城亦如之乾隆二十三年大
兵克庫車阿克蘇回衆聞風向化乃逐霍集占所
置伯克以城降所屬村莊凡三十有六

御製阿克蘇城回衆投降詩以紀事

戊寅

回衆築城居取之原屬易庫車其東戶防守所特備徒以將無能久困致自棄先是已兩勝

方逆回赴援庫車官兵一殲之於托

和萬再戰之於鄂根河逆黨斃者五千人賊勢大蹙唾手可就擒獲

兵威亦云熾雜種

况夙怯失城更恆憚是宜鼓衆前先聲圖成事而何待

益兵稍進復停轡

逆回已失庫車雅爾哈善不即乘機追勦藉口需兆惠兵至將前忽却屢

失事會

割穀資兵糧前途穀滿地不過藉口食遂其遷延

計夷考回所據大城原有四曰葉爾奇木哈什哈爾暨阿克蘇烏什其餘率小類阿克蘇今歸實斷其左臂故

緣彼城中伯克乃新置霍集占心腹

霍集占既歸舊部

各城皆置其心腹

以為脅制比聞大兵特至阿克蘇回東即協力與逆苗拒戰逐其所置伯克獻城請降

強從非衆

意今聞被創敗倒戈更相拒

叶

戕害其用人戲城降遣

使此又宜速赴河上逍遙賓

阿克蘇既以城降正可督兵前追諸城可傳檄而定

雅爾哈善乃以禾稼在地欲為坐食株守之計豈前途畝地相踵轉廄貨糧不給耶是謂棄

天佑作孽乃由是易帥明憲章

時命將軍兆惠星馳往代其軍將雅爾哈善解京治

靖遠佈恩惠殲敵脅從敷化逮闇昧劬哉勉運籌

顯若翼

明賜

漢書西域傳溫宿國王治溫宿城去長安八千三百五十里東至都護治所二十三百八十里西至尉頭三百里北至烏孫赤谷六百一十里東通姑墨二百七十里

魏略西戎傳溫宿國屬龜茲

魏書西域傳溫宿國居溫宿城在姑墨西北役屬

龜茲

唐書地理志河西內屬諸胡一名溫府州又大石城一曰于祝曰溫肅州

按漢溫宿國在姑墨西二百七十里今阿克蘇東距雅哈阿里克二百八十五里道里相合則今阿克蘇城疑即溫宿故城也又漢書姑墨東至都護治所一千二十一里溫宿特在其西二百七十里耳乃云東至都護治所二千三百八十里二千字蓋一千字傳寫之訛也再以水道

論之今喀什噶爾葉爾羌兩河自西而來至阿
克蘇南阿克蘇郭勒南流注之與水經注所引
釋氏西域傳河水暨於溫宿之南左合支水上
承北河之說合則阿克蘇之為漢溫宿殆無可
疑北魏時其國猶存而役屬龜茲周隋以下不
著於史而隋書稱龜茲西去疏勒疏勒東去龜
茲皆一千五百里可知溫宿小國北魏以後為
龜茲所并尉頭為疏勒所并是以龜茲疏勒兩

國接壤至唐復稱溫肅州亦名溫府州唐之溫肅即漢之溫宿也而所謂大石城者當屬溫肅州治即今之阿克蘇城在漢魏則為溫宿城也魏之姑墨亦即漢之姑墨史書互異耳

雅哈阿里克

雅哈阿里克地濱木素爾郭勒南岸在葉伊勒干西南五十里由是南行二百里至塔里木謩斯騰以方位道里計之古姑墨國當在此間

漢書西域傳姑墨國王治南城去長安八千一百五十里東至都護治所一千二十一里南至于闐馬行十五日北與烏孫接東通龜茲六百七十里王莽時姑墨國王殺溫宿王并其國

魏書西域傳姑默國居南城在龜茲西去代一萬五百里役屬龜茲

唐書西域傳阿史那社合破龜茲沙州刺史蘇海政行軍長史薛萬備以精騎窮蹕六百里王計窮

保撥換城社僉圍之閱月執王及羯獺顛自龜茲

羸六百里踰小沙磧有拔祿迦小國也一名亟墨

即漢姑墨國橫六百里縱三百里突厥傳突騎施

陰幸邊隙圍撥換大石城將取四鎮會嘉惠拜安

西副大都護即發三姓葛邏祿兵共擊之地理志

阿悉言城又六十里至撥換城一曰威戎城曰姑

墨州南臨思渾河又河西內屬諸胡一曰和墨州

唐西域記跋祿迦國大都城周五六里

按三國志引魏略姑墨國屬龜茲魏書載姑墨
役屬龜茲是姑墨當北魏時猶存至唐始改為

跋祿迦耳其東距龜茲里數漢書云六百七十

唐書云羸六百大畧相等則跋祿迦信即姑墨

也龜茲即今庫車

說見前卷

賽喇木拜諸城雖在庫

車之西而里數太近姑墨國當尚在其西再以

唐書西域傳刺史蘇海政西追龜茲王於六百

里外之撥換城地理志撥換城即姑墨州之說

証之正與漢書龜茲西六百七十里至姑墨唐書踰龜茲羸六百里即亟墨之說合然則跋祿迦國即漢姑墨國亦即姑墨州附屬龜茲為撥換城者應在今雅哈阿里克左右而自蒜色勒郭勒以西塔里木謂斯騰以北阿克蘇以東皆姑墨地也唐書龜茲至跋祿迦踰沙磧今庫車西沙爾達朗之沙磧足以當之又謂跋祿迦西三百里度石磧至凌山為葱嶺北原水東流今

雅哈阿里克北為木素爾鄂拉迤西為薩瓦布
齊鄂拉相距正三伯里許庫克墨爾根郭勒源
出焉倘所謂凌山者歟庫克墨爾根郭勒東南
流入阿克蘇郭勒葱嶺諸水西來會之謂為葱
嶺北原固宜而圖格哈納達巴哈喇裕勒袞塔
克皆當雅哈阿里克西去孔道即其所度之石
磧也塔里木謩斯騰當其南境所謂南臨思渾
河也至從此南行循和闐郭勒經千里外至和

卷之六
六
關六城從此北行踰山入伊犁西境是即漢書所謂南至于聞馬行十五日北與烏孫接者証以形勢當益釋然矣

哈喇裕勒袞

哈喇裕勒袞在拜屬之雅哈阿里克西一百二十里西距阿克蘇城一百八十里自此東行一百里名察爾齊克為阿克蘇東界

扎木

扎木在哈喇裕勒袞西南八十里西距阿克蘇城一百里自此北行一百里為阿爾巴特

赫色勒

赫色勒在阿克蘇城東九十里阿克蘇郭勒北二十里東有泉東南流源出北山麓

哈爾噶額密什

哈爾噶額密什在阿克蘇城北二十里北距木素爾鄂拉六十里

帕爾滿

帕爾滿在赫色勒西四十里在阿克蘇郭勒北二十里西北有河發源山麓東南流至莊北分兩河東西環之西距阿克蘇城五十里

雅爾巴什

雅爾巴什在帕爾滿東十里阿克蘇郭勒北二十里西距阿克蘇城六十里

齊托克喇克

齊托克喇克在赫色勒東南五十里阿克蘇郭勒
北二十里西北距阿克蘇城百四十里

亮格爾

亮格爾在赫色勒東北九十里地居山谷間西南
距阿克蘇城一百六十里又北八十里為圖巴拉
克又北八十里為玉斯屯託海又北七十里為塔
木哈他什又北一百二十里為噶克察哈爾海接
山北伊犁西路界

雅爾賽喇木

雅爾賽喇木在亮格爾南八十里地居山谷間西北距阿克蘇城一百六十里

伊勒噶齊

伊勒噶齊在亮格爾西二十里地居山谷間西南距阿克蘇城六十里

額格爾齊

額格爾齊在阿克蘇郭勒北十里北距阿克蘇城十里

喀勒喀勒

喀勒喀勒在額格爾齊東南六十里阿克蘇郭勒
南五里西北距阿克蘇城七十里

科布魯克

科布魯克在喀勒喀勒西南三十里托什干達里
雅北十里西北距阿克蘇城八十里

庫木巴什

庫木巴什在科布魯克東五里托什干達里雅北

十五里西北距阿克蘇城九十里

伯什阿里克

伯什阿里克在庫木巴什東五里托什干達里雅
北二十里西北距阿克蘇城一百十里

和卓巴斯喀克

和卓巴斯喀克在伯什阿里克東十里阿克蘇郭
勒南十里西北距阿克蘇城一百二十里

呼木什阿里克

呼木什阿里克在和卓巴斯喀克西南十里托什干達里雅北十二里西北距阿克蘇城一百五十里

哈喇塔勒

哈喇塔勒在呼木什阿里克東南二十里托什干達里雅北五里西北距阿克蘿城二百里

烏朱瑪

烏朱瑪在哈喇塔勒西二十里托什干達里雅西南五里西北距阿克蘇城一百八十里

托來

托來在烏朱瑪西五十里托什干達里雅南五里西北距阿克蘇城一百六十里

英額阿里克

英額阿里克在烏朱瑪西北三十里托什干達里雅西南十里西北距阿克蘇城一百五十里又南百里為都齊特

賽阿里克

賽阿里克在英額阿里克西四十里托什干達里

雅南五里西北距阿克蘇城一百十里

哈喇木克齊

哈喇木克齊在額格爾齊西南十二里踰兩河而至東北距阿克蘇城四十里

薩克薩克

薩克薩克在哈喇木克齊南十二里托什干達里雅南三里東北距阿克蘇城八十里

托布坎

托布坎在哈喇木克齊北十里介居兩河之間東
距阿克蘇城十里

得布特爾

得布特爾在哈喇木克齊西北八里托什干達里
雅北十里東距阿克蘇城四十里

鄂喇齊

鄂喇齊在得布特爾西二十里托什干達里雅北
十里東距阿克蘇城六十里

阿喇勒

阿喇勒在鄂喇齊北二十里呼木阿里克郭勒西南十里介兩河之間東距阿克蘇城六十里

愛呼爾

愛呼爾在阿喇勒南八十里東傍呼木阿里克郭勒東距阿克蘇城五十里

超達爾

超達爾在阿喇勒西二十里踰呼木阿里克郭勒

而至東南距阿克蘇城六十里北至卓哈達巴六十里

韋特特爾

韋特特爾在哈喇勒西二十里呼木阿里克郭勒南十里西南距阿克蘇城八十里

察克喇克

察克喇克在韋特特爾南二十里托什干達里雅東北八十里東距阿克蘇城七十里

吐爾伯特

吐爾伯特在察克喇克西南十里托什干達里雅北
十里東距阿克蘇城八十里

拜林

拜林在韋特特爾西南二十里托什干達里雅北
十八里東距阿克蘇城一百里

阿克雅爾

阿克雅爾在薩克薩克西五十里托什干達里雅

南十里東北距阿克蘇城一百十里

伯列克里克

伯列克里克在阿克雅爾西南九十里西境倚山
距阿克蘇城二百里

納喇奇恰特

納喇奇恰特在伯列克里克西南四十里南臨大
山東北距阿克蘇城二百四十里

哲爾格哲克得

哲爾格哲克得在托什干達里雅西南阿克雅爾
西五十里又西接烏什屬噶斯干界

以上屬阿克蘇



欽定皇輿西域圖志卷十六